

Technical and Bibliographic Notes / Notes techniques et bibliographiques

The Institute has attempted to obtain the best original copy available for filming. Features of this copy which may be bibliographically unique, which may alter any of the images in the reproduction, or which may significantly change the usual method of filming, are checked below.

- ☒ Coloured covers/
Couverture de couleur
- ☐ Covers damaged/
Couverture endommagée
- ☐ Covers restored and/or laminated/
Couverture restaurée et/ou pelliculée
- ☐ Cover title missing/
Le titre de couverture manque
- ☐ Coloured maps/
Cartes géographiques en couleur
- ☐ Coloured ink (i.e. other than blue or black)/
Encre de couleur (i.e. autre que bleue ou noire)
- ☐ Coloured plates and/or illustrations/
Planches et/ou illustrations en couleur
- ☐ Bound with other material/
Relié avec d'autres documents
- ☒ Tight binding may cause shadows or distortion
along interior margin/
La reliure serrée peut causer de l'ombre ou de la
distorsion le long de la marge intérieure
- ☐ Blank leaves added during restoration may appear
within the text. Whenever possible, these have
been omitted from filming/
Il se peut que certaines pages blanches ajoutées
lors d'une restauration apparaissent dans le texte,
mais, lorsque cela était possible, ces pages n'ont
pas été filmées.

- ☐ Additional comments: /
Commentaires supplémentaires:

This item is filmed at the reduction ratio checked below/
Ce document est filmé au taux de réduction indiqué ci-dessous.

10X	12X	14X	16X	18X	20X	22X	24X	26X	28X	30X	32X
							✓				

L'Institut a microfilmé le meilleur exemplaire qu'il lui a été possible de se procurer. Les détails de cet exemplaire qui sont peut-être uniques du point de vue bibliographique, qui peuvent modifier une image reproduite, ou qui peuvent exiger une modification dans la méthode normale de filmage sont indiqués ci-dessous.

- ☐ Coloured pages/
Pages de couleur
 - ☐ Pages damaged/
Pages endommagées
 - ☐ Pages restored and/or laminated/
Pages restaurées et/ou pelliculées
 - ☒ Pages discoloured, stained or foxed/
Pages décolorées, tachetées ou piquées
 - ☐ Pages detached/
Pages détachées
 - ☒ Showthrough/
Transparence
 - ☒ Quality of print varies/
Qualité inégale de l'impression
 - ☐ Continuous pagination/
Pagination continue
 - ☐ Includes index(es)/
Comprend un (des) index
- Title on header taken from: /
Le titre de l'en-tête provient:
- ☐ Title page of issue/
Page de titre de la livraison
 - ☐ Caption of issue/
Titre de départ de la livraison
 - ☐ Masthead/
Générique (périodiques) de la livraison

271.2

A 81

voir 8^{ème} page.

ACTA

PRIMÆ CONGREGATIONIS INTERMEDIÆ
PROVINCIALIS

PROVINCIAE SANCTI DOMINICI
CANADENSIS

DIEBUS 9 MENSIS NOVEMBRIS ANNI MCMXIII

ET SEQUENTIBUS,

IN CONVENTU S. JOANNIS BAPTISTÆ OTTAWIENSIS,
CELEBRATÆ

IN NOMINE PATRIS, ET FILII, ET SPIRITUS SANCTI. AMEN.

INCIPIUNT

ACTA

PRIMÆ CONGREGATIONIS INTERMEDIÆ
PROVINCIALIS

PROVINCIE SANCTI DOMINICI
CANADENSIS

DIEBUS 9 MENSIS NOVEMBRIS ANNI MCMXIII

ET SEQUENTIBUS,

IN CONVENTU S. JOANNIS BAPTISTÆ OTTAWIENSIS,
CELEBRATÆ

DENUNCIATIONES

I. Denunciamus præsentī Congregationi ad vocales :

A. R. P. Lectorem Fr. Henricum Hage, Provincialem ;

A. R. P. Magistrum in S. Theol. Fr. Raymundum-Mariam Rouleau.

A. R. P. Lectorem Fr. Mannem Marion, Priorem Conventus SS. Rosarii, ad Sanctum Hyacinthum ;

A. R. P. Lectorem Fr. Alphonsum Langlais, Priorem Conventus Sancti Joannis Baptistæ Ottawiensis ;

A. R. P. Fr. Joannem Bacon, Priorem Conventus S. Annæ Riverormensis.

2. Denunciamus Reverendissimum Patrem Magistrum Generalem concessisse ut, Capitulo Generali ac nostra Congregatione intermedia eodem tempore incidentibus, haec nostra Congregatio de die 30a Augusti ad diem 9um Novembris transferatur.

3. Denunciamus Litteras Testimoniales de debita onerum Missarum satisfactione juxta Constitutionem Innocentianam *Nuper* praescriptas, ab omnibus Sacerdotibus ejusque Conventus et Domus Vicarialis sub juramento firmatas et propria manu subscriptas, per omnes Conventuum Priores et domorum Praesides A. R. P. Priori Provinciali, in prima Congregationis sessione exhibitas esse ac approbatas.

4. Denunciamus A. R. P. Fr. Henricum Hage, Priorem Provinciale, rationes de acceptis et expensis tum ad suam personam quam ad officium Provincialatus pertinentibus, in intervallo temporis a principio sui regiminis, coram nobis exhibuisse, quae fuerunt approbatæ.

5. Denunciamus scrutinium super absolute vel retentione A. R. P. Prioris Provincialis a tribus Prioribus Conventualibus antiquioribus receptum, et coram nobis sigillo Provinciæ munitum ad Ordinis Magistrum transmissum fuisse.

6. Denunciamus per rescriptum S. Congregationis Negotiis Religiosorum Sodalium Præpositæ, sub die 24a junii 1913 datum, R. P. Lectorem Fr. Augustinum Leduc super defectu ætatis dispensatum fuisse, ut Socius Magistri Novitiorum esse posset.

7. Denunciamus per rescriptum S. Congregationis Negotiis Religiosorum Sodalium Præpositæ, sub die 6a septembris 1913 datum, R. P. Fr. Jacobum-Mariam Olivier super defectu ætatis dispensatum fuisse, ut Socius Magistri Novitiorum esse posset.

8. Denunciamus per Rescriptum S. Congregationis Rituum sub die 9a februarii 1912 datum et ad quinquennium

valituum, concessam fuisse facultatem celebrandi in Ecclesiis
Provinciae nostrae, missam de Requie bis in hebdomada, sub
certis conditionibus, quas videre est in ipso rescripto infra-
posito :

Num. O. 190

911

ORDINIS PRÆDICATORUM

Hodiernus praepositus Provinciae Canadensis Ord. Prædicatorum a Sanctis-
simo Domino Nostro Pio Papa X humillime efflagitavit, ut in singulis Ecclesiis
memoratae Provinciae existentibus liceat bis in hebdomada Missas cum cantu vel
lectura de Requie celebrare. Sacra porro Congregatio Rituum utendo facultatibus
sibi specialiter ab ipso Sanctissimo Domino tributis, ita precibus annuit, ut in me-
moratis Ecclesiis Missæ cum cantu, vel etiam lectæ de Requie bis in hebdomada
celebrari possint, sed hæ postremæ Missæ tantum die obitus, aut depositionis
alicujus defuncti, vel die III, VII, XXX, aut anniversaria necnon quando Missæ
cum cantu permissæ, cantari nequeant ; dummodo in utroque casu non occurrat
aliquod Festum duplex primæ vel secundæ classis, aut Festum de præcepto ser-
vandum, aut Feria, Vigilia vel Octava ex privilegiatis : servatis de cetero Ru-
bricis. Præsenti Indulto ad proximum tantum quinquennium valituro. Contra-
riis non obstantibus quibuscumque. Die 9a Februarii 1912.

Fr. S. Card. Martinelli, Præf.

Loc. Sig.

† Petrus Lafontaine, Ep. Charystien, Secret.

ADMONITIONES

I. Fratres Nostri Exercitia Spiritualia prædicantes, tum apud Religiosos et Sorores ad educationem juventutis institutos, tum apud utriusque sexus studentes, non obliviscantur S. Thomam Aquinatem singularem omnium scholarum catholicarum Patronum a SS. PP. Leone XIII institutum fuisse; nec omittant ad illos juniores in religiosis moribus et fide catholica efformandos, cultum et devotionem erga tantum Patronum promovere.

Ante festum Angelici Doctoris, per tres dies, in Ecclesiis nostris aliquæ functiones ecclesiasticæ, uti preces, fiant; et prævio consensu Ordinarii, benedictio cum SSmo. Eucharistiæ Sacramento, fidelibus fatribusque impertiatur.

II. Hortamur Fratres nostros, quorum Conventui conceditur parœcia, ut officiis divinis, quæ die dominica in ecclesia parochiali fiunt, adsistant, præsertim si hæc officia sint parochialia simul et conventualia, uti mos est pro missa dominicali. Quantum vero ad Fratres, qui ministerio parochiali sunt addicti, nullo modo sese exemptos existiment a sequela chori, etiam die dominica, nisi forsitan ex parte et de licentia Superioris, qui se erga eos benignum semper præbeat.

III. Sacrosancta silentii lex, quam Patres nostri tanti fecerunt, ab omnibus Fratribus religiose et adamussim servetur tam in conventibus formalibus quam in vicariatibus. Etenim hæc saluberrima lex non minus novitios quam ipsos professos usque ad mortem ligat et obligat. Nec unquam e labiis nostris minimum evolet verbum quod illam in desuetudinem vel in contemtionem adducere possit. Quidquid in contrarium reprobamus ut alienum a religione Sancti Dominici, necnon ut scandalosum.

Caveant igitur Fratres, qui in conventu Novitiatus assi-

gnantur vel per illum transeunt, ne unquam Novitios alloquantur nisi presente vel concedente Magistro. Haud pauca, haud parva inconvenientia ex istis relationibus originem ducunt. Sunt enim qui deformare animos juvenum, sive coram illis regulam perverse interpretando, sive auctoritatem lædendo, non erubescunt. Idcirco admonemus Superiores ut tales delinquentes graviter increpant et puniant.

Tandem, hæc omnia, servatis servandis, erga Fratres conversos observentur.

IV. In memoriam Fratrum revocamus ordinationem Capituli generalis Mediolani 1505 qua "nullus Fratrum alterius cellam ingrediatur nisi in casu necessitatis" et de licentia Superioris. Ad rem faciunt hæc verba Constitutionum : "Silentium Fratres nostri teneant..... in cellis, nisi forte silenter aliquid loquantur, non tamen oratione perfecta".

V. Enixe hortamur Fratres nostros ut saluberrimam Capituli habitudinem corde teneant ac religiosissime observent, speciliater quoad proclamationes, sive non timide faciendas, sive humiliter et grate recipiendas. In his enim constat beneficium simul ac meritum Capituli quotidiani, siquidem nihil aliud sunt quam actus justitiæ et caritatis. Omnem igitur inanem fallacemque metum seorsim ponant Fratres, atque amore coacti fraterno, has partes officii sui generose impleant.

VI. Ministerium Verbi Dei magis magisque accrescit in nostra Provincia, divina favente gratia et fratrum zelo cooperante. Ad hoc tamen ut tam sublime ministerium semper vere supernaturalare et fructuosum existat, attendant Fratres ut simul cum actione exteriori crescat etiam studium et multiplicentur orationes, que sunt quasi necessarij fontes unde gratiam et veritatem haurire debeant.

Quapropter admonemus Fratres nostros ne sint faciles ad proponendum verbum Dei absque debito studio ac preparatione. Insuper, haud ægre sed ultro libenterque erga Supe-

riorem qui eos huc vel illuc ad prædicandum mittit, posthabita propria voluntate necnon seposito privato iudicio, obedientiam faciant.

Durante vero prædicatione extra conventum, præter recitationem divini officii, quæ ut principalior actus vitæ nostræ contemplativæ invenitur, orationi mentali vacare nunquam omittant rosarioque suo quotidiano et frequenti visitatione D. N. J. C. in SSmo. altaris Sacramento sint semper assidui.

Ad conventum autem reversi, meminerint totum tempus suum ad Deum et ad animas pertinere sub directione Superioris, ita quod scrupulose illud consumant in aliquo religioso vel apostolico opere, vacando observantiis regularibus et studio, præparando conciones suas, libros vel articulos scribendo.

VII. Quantum ad juniores sacerdotes, cum fructus eorum futuri ministerii a perfecta præparatione dependeat, nihil omitti potest ad hoc ut calleant tam religiosa quam scientifica institutione, omnimode superiore, prout tam eminenti sua vocatione requiritur. Utinam possint esse perfecti inter perfectos ! Considerantes ergo temporis nostri conditiones et animarum necessitates, valde optamus eos esse instructos in omnibus quæ decent virum apostolicum, ita ut possint, tam scripto quam verbo, coram personis cujusque conditionis, veritates fidei nostræ exponere necnon et defendere.

VIII. Meminerint omnes Fratres nostri se nunquam satis studio Sacrarum Scientiarum, utriusque præsertim Theologiæ, dogmaticæ scilicet et moralis, incumbere posse. Vigeat ergo apud nos omnes constans studii amor. In Domino horamur juniores duntaxat confessores, ut in his omnibus diligentissime versentur, non tam ob pericula quæ de triennio in triennium subire debent feliciter superanda, quam ob suum munus rite adimplendum. "Frequentissime videmus, ait Benedictus XIV (Inst. 32), aliquos nempe sacerdotes, qui initio præclarissime confessarii munus susceperunt ; inde post diuturnum tempus, omni studiorum cura neglecta, pristinam

Theologiæ Moralis scientiam amittere, ita ut, qui in hujusmodi arte peritissimi fuerant, tandem exigua solum et confusa ipsius artis scientia, primisque rudimentis instructi, vix inter tirones adnumerentur."

IX. Quoties licentia ad quidquam rite peragendum requiritur simul a pluribus Superioribus, neutiquam ad Superiorem majorem recurratur ante licentiam obtentam a minori.

X. Multoties a Constitutionibus injungi ut Fratribus licentia exeundi non concedatur *nisi causa exposita*, nemo est qui nesciat. Attamen hanc legem haud semper a nobis observari non est infitiandum, et ideo ad hoc præceptum implendum Fratres a Superioribus redigantur.

XI. Meminerint Fratres, quoties sunt reduces ad suum Conventum, ad benedictionem accipiendam necnon ad rationem reddendam, et quidem in scriptis, de acceptis et expensis, se coram Praelato sistendos esse.

XII. In memoriam revocamus ordinationem qua nulli Fratri permittitur terminos sui conventus transgredi absque licentia Prioris Provincialis.

XIII. Ad historiam Ordinis in mente melius servandam, necnon ad exempla Nostratum haud oblivioni tradenda, morem esse utiliter apud nos inducendum putamus, ut in initio cænæ vel collationis aliquid legatur de Sancto vel de Beato postera die honorando. Satis esset pro præsentis ut hæc lectio ex opusculo "*La Petite Année Dominicaine*" excerptetur.

XIV. Quum vita et salus Ordinis ex numero et qualitate vocationum dependeant, nihil nobis optatius esse debet quam ut Sodales Familiæ nostræ multiplicentur. Quapropter hortamur singulos Superiores ac Parochos ut isti a sua parœcia, illi vero a suo conventu, eleemosynas obtineant ad juvenes sublevandos, qui spem fundatam vocationis dominicanæ præbuerint, ita quod unusquisque Conventus, sicut et unaquæque parœcia, saltem unum adjuvet juvenem, qui in Seminariis seu Collegiis studia perficere valeat. Et hæc omnia fiant de consensu Consilii.

DECLARATIO

Dioecesium recenter erectam MONTIS LAUREI in terminis Conventus S. Joannis Baptistæ Ottawiensis comprehendi declaramus.

COMMISSIO

Ad laudem Beatissimæ Virginis Mariæ, Ordinis Patronæ, necnon ad animarum salutem, committimus Adm. R. P. Provinciali, ut quantocius in Provincia nostra restauretur, propagetur, ac diligenter custodiatur laudabilis *Rosarii Perpetui* devotio, cum certa quadam capitum hierarchia a SS. PP. Pio IX approbati.

SUFFRAGIA PRO VIVIS

Pro SS. D. N. Pio PP. X., Ordinis nostri benevolentissimo Protectore, quælibet Domus celebrabit unam missam.

Pro Reverendissimo Patre Fratre Hyacintho-Maria Cormier, Magistro generali Ordinis nostri, ejusque Sociis, quælibet Domus unam missam.

Pro A. R. P. Lectore Fr. Henrico Hage, Provinciali Provinciæ S. Dominici Canadensis, quælibet Domus unam missam.

SUFFRAGIA PRO DEFUNCTIS

Pro cunctis Fratribus nostris defunctis, quælibet Domus unam missam.

Pro animabus Parentum et Benefactorum nostrorum, quælibet Domus unam missam.

Hæc sunt Acta Congregationis intermediæ Provincialis Provinciæ S. Dominici Canadensis in Conventu nostro Sancti Joannis Baptistæ Ottawensi celebratæ, diebus 9a Novembris et sequentibus anni 1913, quæ simul ac approbationem Reverendissimi Patris Magistri perlegi jubemus in publica mensa rectorii bis in anno usque ad Capitulum Provinciale proxime habendum, diebus scilicet prima Junii et prima Decembris, et annotentur in Calendario Provinciæ dies quibus legenda sunt.

Data in Conventu nostro Sancti Joannis Baptistæ Ottawensis, die undecima mensis Novembris anni 1913.

Fr. Henricus HAGE, O. P., Prior Prov. propria manu subscripsi.

Fr. Raymundus Ma ROULEAU, O. P., Mag. S. Theol. propria manu subscripsi.

Fr. Mannes MARION, P., Prior Conventus SS. Rosarii, Sancti Hyacinthi, propria manu subscripsi.

Fr. Alphonsus LANGLAIS, O. P., Prior Conventus Sti Joannis Baptistæ Ottawensis, propria manu subscripsi.

Fr Joannes BACON, O. P., Prior Conventus S. Annæ Riverormensis, propria manu subscripsi.

L. + S.

IN DEI FILIO NORIS DILECTIS
ADM. RR. PP. PRIORI PROVINCIALI, PRIORIBUS CONVENTUALIBUS,
CÆTERISQUE PATRIBUS ET FRATRIBUS PROVINCIAE
NOSTRAE S. P. DOMINICI CANADENSIS
NOS

FR. HYACINTHUS M^A. CORMIER

S. THEOLOGIAE PROFESSOR AC TOTIUS ORDINIS FF. PRÆDICAT.

HUMILIS MAGISTER GENERALIS ET SERVUS

SALUTEM ET BENEDICTIONEM.

Acta Congregationis intermediæ Provincialis Provinciæ Nostræ Sancti Dominici Canadensis in Conventu Sancti Joannis Baptistæ Ottawiensis celebratæ diebus 9 mensis Novembris anni 1913 et sequentibus, diligenter perlegimus atque perpendimus, eaque, audito prius graviorum Patrum Consilio, cum laude sancire decrevimus et Auctoritatis Nostræ robore munire, omnes exhortantes ut, dum Provincia noviter fundata in dies crescat numero, spiritum religiosum dominicanum tam feliciter introductum magis magisque animose et hilariter prosequantur. Omnia igitur et singula in præfatis Actis contenta, harum serie, Nostrique auctoritate Officii approbamus et confirmamus sicque approbata et confirmata dicimus et declaramus; mandantes Adm. Revdo Provinciali ut eadem Acta una hisce nostris Litteris typis edi ac in omnibus Provinciæ suæ Conventibus seu Domibus promulgari faciat, decemque sic editorum exemplaria ad nos transmittat.

In Nomine Patris et Filii et Spiritus Sancti. Amen.

Non obstantibus in contrarium quibuscumque.

In quorum fidem his officii Nostri sigillo munitis, propria manu subscripsimus.

Datum Romæ, ex Collegio Angelico, die 28 Novembris 1913.

Fr. HYACINTHUS M^a CORMIER, O. P.,

M. G.

L. † S.

Reg. E. pag. 78

fr. GABRIEL HORN, O. P.

Mag. Provlis Lithuaniae et Socius.

BIBLIOTHEQUE
SAINT-SULPICE